

Curs de formaziun sura la fede "La löm dla vita" a La Ila cun Padre Giuseppe dai 29 ai 30 de aurí. Informaziuns y iscriziuns pro Ingrid al nr. 331/8565697.

Referat: „Pflege das Leben! Über die Krankheit hinaus dem Leben in die Augen schauen“ cun Don Paolo Renner sura le ciaré dla vita y le ciaré bun de se instès, en mertesc ai 12 de aurí dales 15.00 te Ciasa de Palsa a San Martin de Tor. Düc é dër bel inviá.

Interessënza de Fanes: düc i paurs é inviá ala sentada generala dla interessënza dla Munt de Gran Fanes ai 15 de aurí dales 20:00 te stüa di paurs a Badia.

Curs de prüm aiüt – Ci che an dess savëi por salvé la vita: en vëndres, ai 15.04.2016 dales 18:00 ales 22:00 tl Istitut Micurá de Rü a S.Martin cun la Crusc Blanca. Informaziuns y prenotaziuns al nr. 0474/523110 o a formaziun.vb@micura.it. cina ai 12.04.2016.

Teater: l'Uniun Teater de Badia inviëia ala comedia "Olá ia cun le cadaver?" en domënia 10, sabeda 16 y domënia 17 de aurí (tres dales 20:00 y l'ultima domënia ince dales 15:00) te Ciasa Runcher. An pó se prenoté al nr. 328/0984630 dales 18:00 ales 21:00.

Batadú: Le Cor Raiëta da La Val inviëia al GRAN BATADÚ en domënia, ai 17.04.2016 dales 14:00 tl salf dles manifestaziuns a La Val. Infos y iscriziuns al nr. 331/6169869 o 339/4193917. Cost: 20,00 Euro.

La biblioteca Sas dla Crusc inviëia:

a La Ila en lünesc, ai 11 de aurí dales 15:00 a "l'ora dles stories", lí dant a mituns y mitans dai 2 cina 5 agn.

a Badia en jöbia ai 14 de aurí dales 20:00 ai "amisc dla letöra s'incunta", i s'la cuntun di libri che un lit.


a La Ila en vëndres ai 15 de aurí dales 20:00 ala prejentaziun dl liber de Horst Moser: *Etwas bleibt immer*, ein musikalisch-literarischer Abend.

Presentaziun: le Museum Ladin Ciastel de Tor inviëia ala presentaziun dl liber "Catarina Lanz" de Lois Craffonara y Helga Dorsch en sabeda ai 16 d'aurí dales 17:00 tl salf dles manifestaziuns d'Al Plan de Mareo cun moderaziun de Diego Clara y acompagnamënt dla musiga d'Al Plan.

mpressum: Ploania Badia, redaziun Cristina Frena

Comunicaziuns cina jöbia sëra a parrocchiabadia@libero.it o frencri@alice.it

Download plata: www.valbadiaonline.it/comunite/ploanies/ploanies/ploania-badia.html




Plata dla Ploania Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org

Ann C

10.04. - 17.04.2016

3^a Domënia de Pasca

n. 20

Oster-Erfahrung:

Im Netz der Liebe Gottes

haben alle Platz.



Vangele dla domënia che vëgn - 4^a de Pasca

Jan 10, 27-30

Te chël tēp á Gejù dit: Mies bisces ascuta mia usc; iö les conësci y ares me vëgn do. Iö ti dá vita eterna. Ares ne jará mai ademal y degügn ne m'les straciará fora de mia man.

Mi Pere, che me les á dé é plü gran co düc, y degügn n'é bugn da ti les stracé fora dla man a mi Pere. Iö y le Pere sun na cossa sora.

FUNZIUNS SACRES

10.04. 3^a DOMÈNIA de PASCA / Ann C – “Kassiansonntag”

- 10.00 Mëssa por la Comunità
- 15.00 Ora de adoraziun
- 18.00 †ta Agnes Pitscheider - aniversar
†ta Angela Dariz - aniversar
†to Sepl Frenademetz da Oies – aniversar

12.04. Mertesc

- 19.30 †to Giarone Vittur - aniversar
†ti Tone y Rosina Pitscheider
†ti Pitscheider da Ruac

13.04. Mercui – *Mëssa cun i scolars*

- 07.30 †ta Paola Valentin da Pransarores - aniversar
†ta Sabina Campeï - aniversar
†ti siur Berto y Pire Videsott

14.04. Jöbia - *Mëssa cun i crejimá y studënc*

- 19.30 †ta Regina Canins - aniversar
†to Antonio Palumbo
por les families de Sogherdëna en onur a S.Maria

15.04. Vëndres

- 07.30 †ta Amalia Irsara - aniversar
†ti dla fam. de Lina Valentini
†ti dla fam. Schmid



16.04. Sabeda

- 16.00 Mëssa a Oies

17.04. 4^a DOMÈNIA de PASCA – De mondial dles vocaziuns

- 10.00 Mëssa por la Comunità
- 14.00 Prozesciun a Oies
- 18.00 por perié do vocaziuns
†tes suor Luciane y Albina Pizzinini - aniversar
por fam. Franz y Maria Campeï en ringraziamënt

Dala VITA dla CÜRA


Dala sentada dl Consëi de Cüra – merz 2016

Tl'ultima sentada dl Consëi de Cüra él gnü baié dl Ann Sant: co concretisé les **operes de Misericordia** te nosta comunité. Al é gnü ponsé a contribuí por na bona aziun de aiüt adüm cun l'oferta dl pelegrinaje a Porsenú (p.es. n « poze » dal'ega ala popolaziun tl desert dl'África). De **chësc pelegrinaje** ai 23 de aurí a Porsenú él gnü baié dër concretamënter: bel che tröc de Badia s'á bele prenoté. Spo él gnü prejenté le **bilanz finanziar** dla Cüra 2015.

Por l'**Edema Santa** él gnü fat propostes, sciöche de ti dé na picera ciandëra da Pasca a les families.

Siur Degan

Prozesciun a Oies: en la proscima domënia, ai 17.04.2016, de mondial dles vocaziuns, inviunse düc dales 14:00 ala prozesciun da S.Linert a Oies **por perié do vocaziuns**. A Oies sarál na picera funziun.



Senioreclub: al se abina en lünesc, ai 11.04.2016 dales 14:00 te Ciasa dles Uniuns por ti ciaré al CD de Jeo 2015 y spo sarál ciamó Pater Ján che zelebriëia la S.Mëssa. Düc é dër bel inviá.

Oraziun de Taizé: ala sará en vëndres, ai 15.04.2016 dales 20:00 te capela a Oies. Düc é bel inviá.

Pelegrinaje: en sabeda, ai 16.04.2016 dales 14:30 vá dütes les ëles da Tlüses sö en Jeo, olache ala sará na Liturgia dla Parora. Dala Val Badia él na coriera che pëia ia da Calfosch dales 12:10 y al é da se prenoté pro Maria al nr. 0471/839842 dan le 14 de aurí.

Oferta de Carsëma: dër bel giulan dl'oferta de 3.051,05 €.

Referat: l'Consëi de Formaziun dl Comun de Badia inviëia en jöbia, ai 14 de aurí 2016 dales 20:00 te Ciasa Runcher olache Curt Covi da Sanciana, che é n espert de terorism, baiará sura “ L'Stat Islamich (IS), spiligaziun dla situaziun tla Siria, Irak, Iran y les consequënzes por l' Europa”. Al sará ince siur Degan che tolará posiziun sön la chestiun dl islam. La sëra vëgn moderada da Diego Clara.